

U G O V O R B R. 11-14-12138-12/18

Nabavka i isporuka ormarića i druge opreme za učenike osnovnih škola na području Kantona Sarajevo

Zaključen dana **4.5.2018. godine** između:

UGOVORNE STRANE

MINISTARSTVO ZA OBRAZOVANJE, NAUKU I MLADE KANTONA SARAJEVO, sa sjedištem u Sarajevu, Ul. Reisa Džemaludina Čauševića br. 1, kojeg zastupa Prof.dr. Elvir Kazazović, ministar (u daljem tekstu: Kupac), identifikacijski broj: 4200666870003

i

BIROTIM d.o.o. SARAJEVO, sa sjedištem u Vogošći, Ul. Igmanska bb, identifikacijski broj: 4202141470007, PDV broj: 202141470007, transakcijski račun broj: 140-1011-120036723 kod Sberbank BH d.d. Sarajevo, kojeg zastupa direktor Adnan Selmanagić (u daljem tekstu: Prodavac)

PREDMET UGOVORA

Član 1.

Predmet ovog Ugovora čini kupoprodaja i isporuka ormarića i druge opreme za učenike osnovnih škola na području Kantona Sarajevo, u svemu prema predmetnoj tenderskoj dokumentaciji i prihvaćenoj ponudi Prodavca br. 0204/18, od 2.4.2018. godine.

CIJENA I NAČIN PLAĆANJA

Član 2.

Ugovorena ukupna cijena predmetne nabavke roba iznosi:

- **127.710,00 KM** **bez uračunatog PDV-a;**
- **21.710,70 KM** **PDV;**
- **149.420,70 KM** **sa uračunatim PDV-om;**

Član 3.

Ugovorena ukupna cijena i uslovi utvrđeni u predmetnoj tenderskoj dokumentaciji ne mogu se mijenjati.

Član 4.

Ugovorne strane konstatuju da predmet ove nabavke čine nabavka i isporuka predmetnih roba za osnovne škole na području Kantona Sarajevo, kao što je to definirano u prihvaćenoj ponudi ponuđača, koja čini sastavni dio ovog ugovora.

ROKOVI

Član 5.

Ugovoreni rok isporuke predmetne nabavke iznosi sedam (7) dana, računajući od dana potpisivanja ovog Ugovora.

OBAVEZE KUPCA/PRODAVCA

Član 6.

Plaćanje ugovorene cijene izvršit će se nakon isporuke i izvršene kontrole količina i kvaliteta predmetnih roba, po dostavljenom računu, u roku od 30 dana od dana izvršene kontrole, ukoliko su predmetne robe isporučene i ugrađene u traženim količinama i kvalitetu.

Kupac je dužan da odmah nakon potpisivanja ugovora, dostavi Prodavcu spisak škola sa adresama i količinama isporuke robe.

Član 7.

Prodavac je dužan pridržavati se ugovorenog roka, navedenog u članu 5. ovog ugovora.

Moguće je produženje ugovorenog roka samo u sljedećim slučajevima:

- nepogodni vremenski uslovi /snježne padavine, kišne padavine, hladnoće i sl./
- usljed više sile /vanredni vanjski događaji, ili prirodni događaji kao što su poplave, potresi i dr./
- ljudske radnje koje se nisu mogle predvidjeti, izbjeci ili ukloniti,
- mjere predviđene organima nadležnih tijela.

Produženje roka trajat će onoliko dana koliko je trajala neka od opisanih smetnji, uzimajući u obzir vrijeme potrebno za ponovnu organizaciju rada i nastavak radova.

U slučaju nastanka razloga produženja roka izvođenja radova Prodavac je dužan Kupcu u roku od 24 /dvadesetčetiri/ sata, po nastanku razloga za produženje roka, podnijeti zahtjev za produženje roka.

Produženje roka će Kupac i Prodavac utvrditi u pismenom obliku, u roku od 48 /četrdesetosam/ sati, od dana podnošenja zahtjeva za produženje roka.

Član 8.

Za svaki dan zakašnjenja Prodavac se obavezuje da Kupcu, na ime ugovorene kazne, plati 5 % /pet promila/ ukupne vrijednosti Ugovora dnevno, a najviše 5 % /pet posto/ ugovorene vrijednosti.

Član 9.

U slučaju nekvalitetnog ili nepravovremenog izvršenja ugovorenih obaveza, Prodavac je obavezan Kupcu nadoknaditi nastalu štetu.

GARANCIJA

Član 10.

Garantni rok predmetne nabavke iznosi 36 mjeseci.

SPOROVI

Član 11.

U slučaju pojave nedostataka tokom garantnog perioda, Prodavac je dužan odazvati se pozivu Kupca i pristupiti otklanjanju nedostataka odmah, a najkasnije u roku od 3 /tri/ dana od dana prijema poziva.

Član 12.

Sve sporove, nastale izvršenjem ovog ugovora, ugovorne strane će nastojati riješiti sporazumno, u suprotnom spor će rješavati nadležni sud u Sarajevu.

ZAVRŠNE ODREDBE

Član 13.

Za sve što nije regulisano ovim ugovorom važe odredbe Zakona o obligacionim odnosima.

Član 14.

Ovaj ugovor stupa na snagu danom potpisivanja od strane ugovornih strana

Član 15.

Ovaj ugovor sačinjen je u 6 /šest/ istovjetnih primjeraka, od kojih svakoj ugovornoj strani pripadaju po 3 /tri/ primjerka ugovora.

PRODAVAC

DIREKTOR



Adnan Selmanagić

KUPAC

KANTON SARAJEVO

Ministarstvo za obrazovanje, nauku i mlade

MINISTAR



Prof. dr. Elvir Kazazović

Broj: 415/18
Sarajevo, 4.05.2018. godine

Broj: 11-14-12138-12/18
Sarajevo, 4.05.2018. godine